

樂全先生集卷三
將作監主簿修尚幼昕天申早世五女長早卒次適
祕書丞李閱著作佐郎趙磐潤州司理叅軍王紳幼
在室公起諸生本以文學進雅有大志間讀兵書戰
策以將帥之略自任游邊知其山川城邑至于風謠
氣俗莫不諳悉既典方面治軍旅追惟寶元慶曆間
元昊陸梁遼人僥倖之事每慨然長嘆以為上憑天
子神武之威下乘戎狄衰敝之勢湟湟以西可繕亭
梁長城以南可徹烽候顧齷齪近習未嘗精慮爾世
有深識者亦謂其言之非徒然也居家理兄友弟愛
鄉閭稱其睦調恤宗屬善教子弟故諸子多才文集
二十卷平生之素業存焉七月某日葬于某鄉某里
從先塋銘曰

惟皇作極	文武是憲	文經邦國	武定暴亂
道遠乎哉	厥有典常	在人賢者	識其大方
神聖御圖	鼎熙駿命	法天震懼	以肅荒曠
有避蔡公	資適逢時	祇通常德	式宣靈威
蠢爾羗醜	吳寶虺蜴	逃矣西土	為所踐食
祚濟其凶	將復跳踉	公來績戎	爰扼其吭
公謂諸將	兵者死地	尚命糾守	天不假易
氏酋很驕	敢觸吾藩	參連一發	竟成遊魂